

**Ишчи хужжатларини ишлаб чиқиши учун
Эъ-сонли ШАРТНОМА**

Тошкент ш.

“ 3 ” март 2022 йил

Ушбу шартнома биринчи томондан “Буюртмачи” деб юритиладиган “O’zyo’loyiha loyiha qidiruv instituti” DUK номидан Устав асосида иш юритувчи директор С.Кахаров иккинчи томондан кейинги ўринларда “Бажарувчи” деб юритиладиган “YO’L LOYIHA” МЧЖ номидан Устав асосида иш кўрадиган директор С. Саидхамедов “Ўзйўллоийха” ДУКнинг товарлар (ишлар, хизматлар)ни харид қилиш бўйича доимий фаолият кўрсатувчи танлов комиссияси йиғилишининг 2022 йил 28 февралдаги баёнига асосан қуидаги шартномани туздилар:

1. Шартнома предмети

1.1. Буюртмачи Бажарувчини “Умумий фойдаланишдаги автомобиль йўлларини куриш ва реконструкция қилиш дирекцияси” ДУК билан 2021 йил 24 декабрдаги 1383-сонли Бош шартнома бўйича бажарилиши лозим бўлган Тошкент вилоятидаги умумий фойдаланишда бўлган маҳаллий аҳамиятдаги автомобиль йўлларини тўла таъмирлаш объективининг ишчи хужжатларини ишлаб чиқиши ишларини бажариш учун ёрдамчи лойихачи сифатида жалб қиласди.

1.2. Буюртмачи Бажарувчига Тошкент вилоятидаги умумий фойдаланишда бўлган маҳаллий аҳамиятдаги автомобиль йўлларини тўла таъмирлаш объективининг ишчи хужжатларини ишлаб чиқиша 4К7336 “Гулистан - Оҳангарон автойўлидан - Ғижиген ва Олбенбел қишлоқларига шахобча” автомобил йўлининг 0-9 км қисмини тўла таъмирлаш (асфальтобетон қопламали) ишчи хужжатларини ишлаб чиқиши ишларини бажаришни топширади, Бажарувчи эса ўз зиммасига олади.

1.3. Бажариладиган ишлар мазкур шартноманинг ажралмас кисми ҳисобланадиган техник топшириқка асосан амалга оширилади.

1.4. Ишларнинг тугалланиш вақти аванс маблағи молиялаштирилган кундан бошланиб, 10 кун муддатда тутатилади.

2. Шартнома баҳоси ва тўловлар қоидалари

2.1. Ишларни амалга оширишнинг баҳоси 1-иловадаги шартнома баҳосини келишув баённомасига асосан ҚҚС билан 282 000 000 (икки юз саксон икки миллион) сўмни ташкил қиласди.

2.2. Буюртмачи ушбу обьект бўйича асосий буюртмачидан аванс миқдори келиб тушгандан сўнг, шартнома баҳосининг 15% миқдорида аванс тўловини амалга оширади.

2.3. Бажарилган ишлар учун жорий молиялаштириш Буюртмачи ва Бажарувчи томонидан расмийлаштирилган далолатномалар асосида ажратилган аванс маблағи миқдори ушлаб қолиниб амалга оширилади.

2.4. Ишлар Бажарувчи томонидан тўлиқ бажарилиб, асосий буюртмачидан экспертиза хулосаси олингандан кейин ишларни топшириш-қабул қилиш далолатномаси расмийлаштирилади ва асосий буюртмачи томонидан бош шартнома бўйича бажарилган ишлар учун 70 фоиз молиялаштириш амалга оширилгандан кейин Буюртмачи Бажарувчига 5 (беш) кун ичida жами ишлар ҳажмининг (ажратилган аванс маблағи миқдори ушлаб қолиниб) 70 фоизини тўлаб беради.

Объект бўйича давлат экспертизаси томонидан якуний экспертиза хулосаси олингандан сўнг ва бажарилган ишлар асосий буюртмачи томонидан қабул қилингандан сўнг қолган маблағ учун топшириш-қабул қилиш далолатномаси расмийлаштирилиб, молиялаштирилади.

2.5. Щартноманинг 2.1-2.4-бандларида кўрсатилган молиялаштириш муддатлари ва тартиби асосий буюрмачи билан тузилган шартнома (Бош шартнома) бўйича маблағ “Буюртмачи” ҳисоб ракамига келиб тушиши муддатлари ва тартибига караб, “Буюртмачи” томонидан бир томонлама ўзгартирилиши мумкин ва бу ҳақда “Бажарувчи” ни хабардор қилиниши шарт эмас.

2.6. Ишлар қиймати узил-кесил ҳисобланади ва кейинчалик қайта кўриб чиқилиши мумкин эмас, куйидаги холлар бундан мустасно:

- ишлар қийматини кўпайтиришга енгиб бўлмайдиган куч (форс-мажор) холатлари сабаб бўлганда;
- ишлар ҳажми Буюртмачи томонидан ўзгартирилганда ёки мазкур обьект юзасидан лойиха-смета хужжатларини ишлаб чиқишига асосий буюртмачи билан тегишли шартномалар имзолангач, қўшимча келишув асосида шартнома қийматига ўзгартириш киритилиб қайта ҳисоб-китоб қилинади.

3. Томонлар мажбуриятлари

3.1. Бажарувчи ишларни техник топшириқ, бошқа дастлабки маълумотлар ва келишилган график асосида вактида бажаришни, Асосий буюртмачи билан бажариладиган ишларнинг (боқиҷларнинг) натижаларини келишишни ўз зиммасига олади.

3.2. Буюртмачи шартномада кўзда тутилган шартлар ва тартиблар асосида тўловни амалга оширишни ўз зиммасига олади.

3.3. Буюртмачи тайёрланган лойиха хужжатларининг ёки бажарилган қидирув ишларининг камчиликлари борлиги муносабати билан учунчи шахс томонидан буюртмачига нисбатан қўзғатилган даъво юзасидан ишда қатнашишга Бажарувчини жалб қиласди ва Бажарувчи ўзи томонидан бажарилган ишларининг камчилиги учун ўзи жавобгар бўлади.

3.4 Ушбу шартнома бўйича Бажарувчи ўз мажбуриятларини сифатсиз ва камчиликлар билан бажарса ва сифатсиз бажарилган лойиха хужжатидан фойдаланиш натижасида қўшимча (кўзда тутилмаган) ишлар ва ҳаражатлар аниқланса, Бажарувчи ушбу камчиликларни бартараф этиб, бир ҳафтадан ошмаган муддатда ўз мажбуриятларини талаб қилинган сифат даражасида қайтадан бажаради ва аниқланган қўшимча ҳаражатларни тўлиқ ўз хисобидан қоплайди.

3.5. Бажарувчи Лойиха хужжатларини ишлаб чиққандан сўнг лойиха хужжатларини экспертиздан ўтказиши ўз зиммасига олади.

3.6. Бажарувчи лойиха ва қидирув ишларини бажариш учун топшириқдаги ва бошқа дастлабки маълумотлардаги талабларга риоя қилиши шарт ва буюртмачининг розилиги билангина улардан четга чиқишга ҳақли. Бажарувчи ишларни лойихалаш ҳақидаги топшириқ ва бошқа дастлабки маълумотларга мувофиқ бажариши; тайёр бўлган лойиха хужжатларини асосий буюртмачи билан келишиб олиш иштирок этиш, шунингдек; тайёр бўлган лойиха хужжатларини ва қидирув ишлари натижаларини шартномада белгиланган муддатларда буюртмачига топшириши; буюртмачининг розилигисиз лойиха хужжатларини учинчи шахсларга бермаслиги шарт.

3.7. Бажарувчи томонидан бажарилган ишлар тегишли қонун хужжатларида белгиланган тартибда, ШНК талаблари асосида, электрон (флешкада word, excel ва Autocad) ва нашр қилинган З нусхада топширилади.

Мазкур талабларга риоя қилинмаган ҳолда топширилган ишлар қабул қилинмаган деб хисобланади.

3.8. Бажарувчи лойиха хужжатлари ва қидирув ишларидаги камчиликлар учун, шу жумладан кейинчалик қурилиш жараёнида, шунингдек тайёрланган лойиха хужжатлари ва бажарилган қидирув ишлари маълумотлари асосида барпо этилган объектни ишлатиш жараёнида аниқланган камчиликлар учун жавобгар бўлади. Лойиха хужжатларида ёки қидирув ишларида камчиликлар аниқланган тақдирда Бажарувчи Буюртмачининг талаби билан лойиха хужжатларини бепул қайта ишлаб чиқиш ва шунга мувофиқ зарур қўшимча қидирув ишларини бажариш, шунингдек, агар қонунда ёки шартномада бошқача тартиб белгиланган бўлмаса, келтирилган зарарни буюртмачига тўлаши шарт.

4. Ишларни топшириш ва қабул қилиш тартиби

4.1. Бажарилган ишларни топшириш ва қабул қилиш техник топшириқ талабларига биноан белгиланади.

4.2. Ишлар бажарилишининг алоҳида босқичи ва шартнома бўйича белгиланган жами ишлар тугагандан сўнг Бажарувчи Буюртмачига ишларни топшириш ва қабул қилиш далолатномаси билан хужжатлар тўпламини топширади.

4.3. Ишлар тугагандан сўнг Бажарувчи Буюртмачига ишларни топшириш ва қабул қилиш далолатномаси билан техник топшириқда кўзда тутилган хужжатлар тўпламини топширади. Бажарувчи томонидан Буюртмачига топширилаётган хужжатлар тўплами **Асосий буюртмачининг** тегишли ходимлари томонидан маъқулланиб, имзоланган бўлиши шарт, акс ҳолда Буюртмачи хужжатлар тўплами ва ишларни топшириш ва қабул қилиш далолатномасини қабул қиласликка ҳақлидир.

4.4. Агар ишларни бажарилиш жараёнида уни давом эттириш мақсадга мувофиқ эмаслиги аниқланса ва бу ҳакида **Асосий буюртмачи** Буюртмачини ёхуд Бажарувчини хабардор қилса, томонлар 5 кун муддат ичida уни тўхтатиш тўғрисида бир-бирини хабардор қилиши ва 15 кун ичida ишларни давом эттириш мақсадга мувофиқ ёки мувофиқ эмаслиги тўғрисидаги масалани кўриб чиқиши шарт. Ишларнинг тўхтатилиши Бажарувчи учун Ўзбекистон Республикаси Фуқаролик Кодексида кўзда тутилган оқибатлар ва жавобгарликка олиб келади.

4.5. Томонлардан бири мазкур шартномада кўзда тутилган ишларни тўхтатиш тўғрисида ёзма хабар берган вақт ўзаро ҳисоб-китоб қилиш вақти ҳисобланади.

4.6. Лозим топилган ҳолларда томонлар холис экспертларга Лойиха бўйича хulosha учун мурожат қилиши ёки қабул комиссияси ташкил қилиши мумкин.

4.7. Бош буюртмачи ва экспертиза ташкилоти томонидан билдирилган таклиф ва камчиликларни эътиrozсиз бажарилишини таъминлайди.

5. Конфиденциал маълумотларни ҳимоялаш

5.1. Ишлар бажарилиши даврида Бажарувчи ўзи конфиденциал ҳисобланадиган маълумотлар ишлаб чиқкан ёки уларни Буюртмачидан олган ҳолларда уларни ҳимоялаш, ошкор бўлишини олдини олиш мақсадида тегишли тадбир ва чоралар кўради.

6. Қўшимча шартлар

6.1. Бажарувчи ишларни муддатидан олдин бажарган ҳолда, Буюртмачи уни мазкур шартноманинг 4-бандига асосан қабул қиласди ва тўловни Асосий буюртмачи томонидан бош шартнома бўйича бажарилган ишлар молиялаштириш амалга оширилгандан кейин амалга оширади.

6.2. Ўзаро мулокат йўли билан ҳал қилинмаган муаммолар қонун хужжатларида кўрсатилган тартибда ҳал қилинади.

6.3. Шартномага томонлар розилиги асосида, ёзма равишда ўзгартришлар ва қўшимчалар киритилиши мумкин.

6.4. Бажарувчи мазкур шартномада кўзда тутилган ишларни бажариш учун Буюртмачи билан келишган ҳолда учинчи шахсларни жалб қилиш хукуқига эга.

6.5. Мазкур шартнома бўйича низо келиб чиқсан ҳолларда қонунда белгиланган тартибда Тошкент туманлараро Иқтисодий судга даъво аризаси киритиш орқали ҳал қилинади.

6.6. Буюртмачи томонидан дастлабки тўлов ва ишларни топширилганда шартлашилган ҳаки кечикирилганда мажбуриятларнинг бажарилмаган қисмининг ҳар бир кунига 0,1 фоизи миқдорида жарима тўлайди, бунда жариманинг умумий суммаси кечикирилган тўлов суммасининг 20 фоизидан ошмаслиги лозим.

6.7. Бажарувчи томонидан лойиҳани тайёрлаш ўз вақтида бажарилмай мажбуриятлар бузилган бўлса Бажарувчи Буюртмачига муддати ўтказиб юборилган ҳар бир кун учун мажбуриятларнинг бажарилмаган қисмининг ҳар бир кунига 0,1 фоизи миқдорида пеня тўлайди, бироқ бунда пенянинг умумий суммаси бажарилмаган ишлар ёки кўрсатилмаган хизматлар қийматининг 20 фоизидан ошмаслиги лозим.

Пеня тўлаш Бажарувчини ишларни бажаришнинг ёки хизматлар кўрсатишнинг кечикиши туфайли етказилган заарларни қоплашдан озод қилмайди.

6.8. Агар Асосий буюртмачи томонидан бош шартнома бўйича Буюртмачига неустойка ёки заарни қоплаш ҳисобланса, ва бунга Бажарувчининг бажарган ишларидаги камчиликлар сабаб бўлса, ушбу неустойка ёки заарни Буюртмачига унинг тегишли хатини олгандан сўнг 7 (етти) кунлик муддатда тўлаб бериши шарт.

6.9. Буюртмачи Бажарувчининг бажарилган ишлари ҳажмидан аниқланган камчиликлар натижасида Буюртмачига қайтариладиган маблағлар ва бошқа тўловлар бўйича Бажарувчи мажбуриятларини ўз вақтида бажармаса ёхуд мазкур шартнома предмети бўйича Асосий буюртмачи томонидан бош шартнома бўйича Буюртмачига ҳисобланган неустойка ёхуд заарни тўлаб бермаса, Буюртмачи ушбу маблағларни Бажарувчини молиялаштириш учун ажратилган маблағлар ҳисобидан чегириб қолиш хукуқига эга.

6.10. Тўланган пеня ёки жарималар томонларни ушбу шартнома бўйича ўз мажбуриятларини бажаришдан озод қилмайди.

6.11. Шартнома тарафлар ўз мажбуриятларини тўлиқ бажаргунга қадар амал қилади.

6.12. Ушбу шартнома ўзбек тилида икки нусхада тузилди.

6.13. Шартномага куйидагилар илова қилинади:

- Шартнома баҳосини келишув баённомаси (1-илова);
- Бажариладиган ишлар тури бўйича Техник топшириқ жадвали (2-илова);

7. Томонларнинг манзили ва ҳисоб рақамлари

Буюртмачи

“O’zyo’lloyiha loyiha qidiruv instituti” DUK

100000, Тошкент шаҳри,
Мирзо Улугбек тумани
Мустакиллик шоҳ кучаси 68-үй
Тел: 71 237-15-08
Х/р: 2021 0000 7009 2163 2001
АТИБ «Ипотека банк»
Яшнобод туман филиали
МФО: 00959, ИНИ: 305 756 527



Директор

С.Кахаров

Бажарувчи

«YO'L LOYINA» МЧЖ

Манзил: Тошкент вил., Зангиота тум., Чигатой-Оқтепа ҚФЙ, Лойихачи кўчаси
Телефон: 90-8098765
Х/р 20208000405108626001
АТИБ Ипотека банк Тошкент ш.ф-ли
МФО: 00419, СТИР: 306 625 277
ОКЭД: 71120



Директор

С.Х.Саидахмедов

Юридик бюро бошлиги  С.Самисев

Директор ўринбосари  О.Раджабов

Бош мухандис  Ф.Мамарахимов

Бўлим бошлиги  А. Маматов

Бўлим бошлиги-бош ҳисобчи  Т.Сувонов

Бош мутахассис  С.Салимухамедова

2022 йил «3» марта
92 -сонли шартномага
1 - илова

Шартнома баҳосининг келишув

БАЁННОМАСИ

Биз, қуида имзо чекувчилар: **Тошкент вилоятидаги умумий фойдаланишида бўлган маҳаллий аҳамиятдаги автомобиль йўлларини тўла таъмирлаш объектиning ишчи хужжатларини ишлаб чиқиша 4К7336 “Гулистан - Оҳангарон автойўлидан - Ғижиген ва Олбенбел қишлоқларига шахобча” автомобил йўлининг 0-9 км қисмини тўла таъмирлаш (асфальтобетон қопламали) ишчи хужжатларини ишлаб чиқиш ишларини бажариш бўйича 2022 йил “3” марта 92 -сонли шартнома баҳоси КҚС билан 282 000 000 (икки юз саксон икки миллион) сўмга тенг деб келишилганини тасдиқлаймиз.**

Ушбу баённома Буюртмачи ва Бажарувчи ўзаро ҳисоб-китобларни амалга ошириш учун асос хисобланади.

Буюртмачи
“O’zyo’lloyiha loyiha qidiruv instituti” DUK

100000, Тошкент шаҳри,
Мирзо Улугбек тумани
Мустакиллик шоҳ кучаси 68-үй
Тел: 71 237-15-08
Х/р: 2021 0000 7009 2163 2001
АТИБ «Ипотека банк»
Яшнобод туман филиали
МФО: 00959, ИНН: 305 756 527



Директор

С.Кахаров

Бажарувчи
«YO'L LOYIHA» МЧЖ

Манзил: Тошкент вил., Зангита тум., Чигатой-Оқтепа ҚФЙ, Лойихачи кўчаси
Телефон: 90-8098765
Х/р 20208000405108626001
АТИБ Ипотека банк Тошкент ш.ф-ли
МФО: 00419, СТИР: 306 625 277
ОКЭД: 71120



С.Х.Саидахмедов